

Sarajevska regionalna
razvojna agencija



Sarajevo Economic Region
Development Agency

**UGOVOR
ZA NABAVKU ROBA
-gume za službena vozila SERDA d.o.o. -**

1. „CONNECTA“ d.o.o. Sarajevo, Džemala Bijedića 170, koga zastupa direktor Sead Sefić, (u daljem tekstu: Dobavljač),
i
2. Sarajevska regionalna razvojna agencija SERDA d.o.o. Sarajevo, Kolodvorska 6, koju zastupa direktor dr. Ševkija Okerić, (u daljem tekstu: Naručilac)

I PREDMET UGOVORA

Član 1.

Predmet ovoga ugovora je nabavka i isporuka tri seta (dvanaest komada) ljetnih guma i tri seta (dvanaest komada) zimskih guma za službena vozila SERDA d.o.o. Sarajevo iz specifikacije Poziva za dostavu ponuda broj: JN-43/19 i prema Ponudi dobavljača broj: T19-001N od 06.02.2019. godine.

II CIJENA

Član 2.

Roba koja je predmet ovog Ugovora će se isporučiti putem narudžbe Naručioaca, po fiksnim jediničnim cijenama u koje je uračunat PDV, a koje su date u Ponudi Dobavljača.

Cijena koju će Naručilac isplatiti Dobavljaču za robu iz člana 1. Ugovora iznosi:

- Cijena bez PDV-a: 4.697,44 KM;
- UKUPNA VRIJEDNOST / CIJENA sa PDV-om je 5.496,00 KM (slovima: pethiljadačetiristotinedvedesetšest KM).

Cijene su na paritetu skladišta Naručioaca, ocarinjeno (DDP Sarajevo).

III NAČIN PLAĆANJA

Član 3.

Plaćanje za robe iz člana 1. ovog Ugovora će se izvršiti na sljedeći način:

- plaćanje putem poslovne banke na račun 1011010064354686 kod Privredne banke Sarajevo,
- rok plaćanja je 15 dana od dana izdavanja fakture.

IV ROK ISPORUKE

Član 4.

Dobavljač se obavezuje da robe iz člana 1. isporuči u roku od 15 dana od dana potpisivanja ugovora.

V OBAVEZE NARUČIOCA

Član 5.

Naručilac se obavezuje da:

- izvrši obavezu iz člana 3. ovog Ugovora.

VI OBAVEZE DOBAVLJAČA

Član 6.

Dobavljač se obavezuje da:

- izvrši obavezu iz člana 4. ovog Ugovora,
- isporuči robe traženog kvaliteta,
- ispostavi fakturu za isporučene robe.

VII PENALI

Član 7.

Za svaki dan zakašnjenja Dobavljač se obavezuje da naručiocu na ime ugovorene kazne plati pet (5) promila vrijednosti neizvršenog dijela posla, a najviše 5% (pet posto) te vrijednosti.

VIII VIŠA SILA

Član 8.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana je obavezna da obavijesti drugu ugovornu stranu u roku od 7 (sedam dana) od nastanka više sile

IX OSTALE ODREDBE

Član 9.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 10.

Ovaj ugovor stupa na snagu kada ga potpišu obje ugovorne strane.

Dobavljač nema pravo zapošljavanja, u svrhu izvršenja ugovora o nabavci fizičkih i pravnih lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, 6 mjeseci po zaključenju Ugovora.

Član 11.

Sve izmjene ovog Ugovora mogu se vršiti isključivo i samo uz pismenu saglasnost ugovornih strana.

Član 12.

Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Sastavni dio ovog Ugovora je Ponuda iz člana 1. ovog Ugovora.

ZA DOBAVLJAČA
DIREKTOR


Sead Sefić



Broj: JS/19
Dana, 11.03.2019.

ZA NARUČIOCA:
DIREKTOR


dr. Ševkija Okerić



Broj: 46-27/19
Dana, 09.03.2019